

Quando Faventini iverunt contra Petrum comitem Castrocarii.

CAP. LXXIV.

Sub anno ^d Dominicæ incarnationis MCLXXIII, cum guerra esset maxima occasione quarumdam possessionum inter Petrum comitem de Castrocaro et Rainerium de Ravaldino, et ipse Rainerius videretur quasi succumbere, ad comitem Guidonem Guerram se contulit, ei fidelitatem faciens, ut ejus mereretur habere patrocinium. Ut igitur præfatus comes tanti fidelis bona manuteneret, castrum Petri comitis, scilicet Sanctum Petrum in Cereto [A] mense martii [a] obsedit; quem infra viii dies Petrus comes, adjutorio Cavalcacomitis, abbatis de Galiatha [b] et aliorum quamplurimum, aggressus est fortiter, et bello per maximum spacium commisso acerrimo, tandem comes Guido cum suis fugam arripuit, se ad commune Faventinum [c] conferens. Faventini namque, cum summo mane quod factum esset [d] prælium audissent, memores antiquissimæ amicitie domus comitis Guidonis, armis arreptis ab eis, ad ejus properant auxilium, licet Petrus magnus esset civis Faventie. Eodem præterea anno, in mense Junii Faventini amore comitis Guidonis, castrum Carpeneti, infra curiam Castrocarii, edificaverunt, ipsum comitem manutinentes et pro viribus eum iuvantes, donec plenum habuit de inimicis triumphum.

Quando Ancona fuit obsessa.

CAP. LXXV.

Anno MCLXXIII (68) cancellarius Christianus [e], et Venetici obsederunt Anconam, quos Lombardi (69) expulere ab obsidione, volentes dare [f] Faventinis xxx millia librarum, si in eorum intrassent societatem; quod postea, sine præfio et non rogati, fecerunt Faventini.

Quando vehemens ventus flavit Faventie.

CAP. LXXVI.

Anno Domini MCLXXIV, in kalendis novembris, tam vehemens ventus flavit Faventie et in maxima parte Italiae, qui domos fere omnes discoperuit, turres et æ-

[a] mense martii, C. M.; in mense martii, C. V. — [b] abbas de Galiatha, C. M.; abbas de Galiata, C. V. — [c] se ad commune Faventinum. Sic lego cum cl. Mitt.; Codd. M. et V. habent, sed ad commune ec. Et, pro Faventinum, habet Faventie C. V. — [d] quod factum esset, C. V.; quod futurum esset, legit cl. Mitt. — [e] cancellarius Christianus, C. V.; cancellarius Christianus, C. M. — [f] volentes dare, C. M.; nolentes dare, C. V.

[A] Sanctus Petrus in Cereto. An in valle de Cereto, aut potius alibi, sit hujusmodi castrum non satis mihi constat.